

G E N E S I S.

chuala mi t'athair a' labhairt re h-Efau do bhràthair, ag ràdh,

7 Thoir a m' ionnfuidh sìthionn, agus dean biadh blasda dhomh, agus gu'n ith mi, agus gu'm beannaich mi thu 'n làthair an Tighearna, roimh m' bhàs.

8 Nis uime sin, a mhic, éisd re m' ghuth, a réir an ni a *ta* mi 'g àithneadh dhuit.

9 Falbh a nis a dh'ionnfuidh an treud, agus thoir a m'ionnfuidh o sin dà dheagh mheann do na gabhraibh; agus ni mis' iad 'nam biadh blasda air son t'athar, mar is ionmhuinn leis.

10 Agus bheir thu dh'ionnfuidh t'athar *e*, agus gu'n ith *e*, chum as gu'm beannaich *e* thu roimh bhàs.

11 Agus thubhairt Iacob re Rebecah a mhàthair, Feuch, *tha* Efau mo bhràthair 'na dhuine molach, agus mis' a'm' dhuine lom.

12 Ma 's e's ^a gu'n laimhsich m'athair mi, 'an sin measar mi leis ^b mar neach leis am b'aill *a* mhealladh ^c; agus bheir mi mallachadh orm féin, agus cha bheannachadh.

13 Agus thubhairt a mhàthair ris, Ormsa *bitheadh* do mhallachadh, a mhic: a mhàin éisd re m' ghuth, agus falbh, thoir a m' ionnfuidh *iad*.

14 Agus dh'fhalbh *e*, agus ghlac *e iad*, agus thug *e iad* a dh'ionnfuidh mhàthar: agus rinn a mhàthair biadh blasda, mar a b'ionmhuinn le athair.

15 Agus ghabh Rebecah eudach taitneach Efau a mic bu'fhine, a bh'aice 'fan tigh; agus

chuir i e air Iacob a mac a b'òige.

16 Agus chuir i croicinn mheann nan gabhar air a làmh-an, agus air luime a mhuineil.

17 Agus thug i'm biadh blasda, agus an t-aran a dheasaich i, do làimh a mic Iacoib.

18 Agus thàinig e dh'ionnfuidh athar, agus thubhairt e, Athair: agus thubhairt efan, Feuch, *tha* mi 'n *so*; co thusa, a mhic?

19 Agus thubhairt Iacob r'a athair, *Is* mise Efau do cheudghin; rinn mi mar a dh'iarr thu orm ^d: éirich, guidheam ort, fuidh agus ith do m' shithinn, chum as gu'm beannaich t'a-nam mi.

20 Agus thubhairt Ifaac r'a mhac, Cionnas a fhuair thu i cho luath, a mhic? agus thubhairt efan, A chionn gu'n do chuir an Tighearna do Dhia a'm' rathad i.

21 Agus thubhairt Ifaac re Iacob, Thig am fagus a nis agus gu'n laimhsich mi thu, a mhic, an tusa féin mo mhac Efau, no nach tu.

22 Agus chaidh Iacob am fagus d'a athair Ifaac, agus laimhsich se *e*; agus thubhairt e, 'Se 'n gutli guth Iacoib, achi 's *iad* na làmhan làmhan Efau.

23 Agus cha d'aithnich se e, chionn gu'n robh a làmha molach, mar làmhan Efau a bhràthar: mar sin bheannaich se e.

24 Agus thubhairt e, An tusa féin mo mhac Efau? agus thubhairt efan, *Is* mi.

25 Agus thubhairt e, Thoir am fagus domh *e*, agus ithidh mi

^a Feudaidh e bi.

^b bithidh mi 'na shùilibh. *Eabh.*

^c mar mhealladh.